

على جرح يزيب على جرح يزيب

إجا و بيه الألم والهـم والاحزان
يفت كلب الزچيه هلال الاشجان
مشاهد ترتسم لصغار أو نسوان
ونسـم صوت چنه " أنه عطشان "

مصايب چنها تنصب على جرح يزيب

يعين الله العقيلة ابهل مصايب
عليها اتحاوط اشكال النوايب
تصيح أم البنين ابكلب ذايب
و تدعي يحفظ الباري الاطايب

إذا ریح الحزن هب على جرح يزيب

صبر زينب عظيم هوايه سره
صبر يصعب على الوادم تفسره
مصايب فاطمة ورثتها حسره
و ورثت من ابو الحملات صبره

يزيب شنهو الأصعب على جرح يزيب

تنادي عن وطننا خويه يحسين
تريد اتشيل عنه ابهل ظعن وين
و غال الها بدمع يهمل من العين
الى الغربية بيت حيدر تروحين

خيام احزان تُنصب على جرح يزيب

وصاحت خويه والمدمع تسيله
انشدك محملي ياهو ال يشيله
الچ كافل يگلهها يا الأصيله
گمر هاشم يصونچ يا عقيله

حنون احساسه يلهب على جرح يزيب

اجا يمها الكمر واحساسه ملهوف
على الوجنة الدمع ماريده مذروف
تري لچلچ اززل يختي الطفوف
و فداچ العين يعيوني و الچفوف

يزيب عمري أوهب على جرح يزيب

و يبارونج يخيّه هالهاشتم
علي الاكبر مع العريس جاسم
دعا الباري بحزن عالوجنة ساجم
عسى كلبج من اللجمات سالم

العوالم كلها تتحب على جرح يزيب

ابن ظاهر يزيب لچ تعنى
الى اخيامچ وصل و يجر ونه
يسلم و اعتلت للحومة رنه
فداچ ايروح وي اهله يتمنى

عليه اهمومه تتصب على جرح يزيب

يحورا و بالشدد تحضرلچ انصار
طبع بيهم حمية و بيهم اصرار
يرفضون المذلة و عيشة العار
و يوقون الزجية و حامي الجار

كلوب انصاري تتعب على جرح يزيب

على صبرچ بيت فاطم و حيدر
اذا شفتي الحبايب صرعى بالبر
واخوچ احسين من مهره يتگنطر
وعلى صدره الرجس يگطعله منحر

دموعه و دمه تشخب على جرح يزيب
